


kontuola...

Antzuolako hamabostekaria. 2 zenbakia, 1997-9-26

Etxea erosteko aukera gehiago

Lurrak birpartzelatu ondoren, etxebizitzak eskuratzea errezagoa

Udalak bukatu du dagoeneko lursailen banaketa eta udalaren lursailak leku batean batu ditu, etxebizitza berriak egiteko. Eskola osteko lurrak, Olaran ostekoak eta aparkamendutarako erabiltzen direnak lur eraikigarriak dira.



Sahiesbidea eta herriaren arteko hutsunean egingo dira etxebizitzak.

Udalak, birpartzelazio proiektuaren bidez, batu egin ditu sakabanatuta zeuzkan lurrak; eta horrela, udalaren lursailak eta esku pribatuetan geratuko direnak nondik nora zabalduko diren zehaztu dute.

Urtebete pasa da plana hasi zenetik eta orain, etxeak egiteko proiektu bideragarriena aurkitzen saiatuko da udala. Aurreikusita dauden 8 etxe blokeak eraikitzeko hiru aukera daude: batetik, babes ofizialeko etxebizitzak egitea, Eusko Jaurlaritzari lurrak eskeiniz; bestetik, udalak promotora batekin batera enpresa publiko bat sortzea; eta azkenik, lursailak promotora bati saltzea, baldintza batzuen pean. Hala ere, erabakia hartu aurretik, udalak herritarren beharrak ezagutu nahi ditu eta horretarako inkesta bat egiteko asmoa dauka.

txebizitza eskuragarriak egin nahi direla kontutan izanik, udalak proiekturik egokiena hautatu nahi du. Hori dela eta, zenbait esperientzia ezagutzen aritu dira egunotan. Oñatikoa izan da lehena; bertako udala promotora batekin elkar-

tu ostean, etxebizitzak eraiki dituzte. Zegamara ere joan dira, hangoek promotora bati saldu baitizkiote lursailak. Orain Zarautzera joateko asmotan da biltza, bertan babes ofizialeko etxebizitzak eraikitzekotan direlako. □

Beste esperientzia batzuk

Lursail horietan eraiki daitezkeen 100 etxebizitzetatik, udalak 40 eraikitzeko aukera izango luke. Hala ere, e-

Udalak bere lurretan 40 etxebizitza egiteko asmoa dauka

Euskal Herria kantuz ezagutzen

Herriko abesbatza Iparraldera abiatuko da urriaren 5ean. Ustaritzen, egun horretan, Lapurtarren Biltzarra ospatzen da; beraz, joaten direnek kabalgata ikusteko aukera izango dute. Sorozabalen omenez egin zuten kontzertuaren ondoren, eskursio bat egitekotan gelditu ziren parte hartu zuten 80 lagunak. Horregatik, hilaren 5ean autobusa hartuko dute eta kostaldetik Senperera iritsiko dira hamarretakoa egin ondoren Ustaritzera heltzeko bazkaltzeko orduan.

Konpontze lanak Gorko bidean

Bidiko konponketa lanak direla eta, Gorko Altsasu elkartetik Kostarratzura doan bidea itxita egongo da. Irailaren 22an hasi zituzten lanak eta, hamabost egunez, urriaren 6ra arte, astelehena, ez dute bidea zabalduko.

Gimnasia Erritmikoa

Urriaren 1ean hasiko da gimnasia erritmikako ikastaro berria 6 urtetik gorakoentzako. Klaseak astelehenetan, martitzenetan eta eguenetan izango dira arratsaldeko 4:30etatik 5:30etara. Izena eman nahi dutenek Arantxa Lizarralderi deitu 78-71-06 zenbakira edo Mireia Unamunori 78-70-68ra.

Intsumiso Eguna 97

Agurainen ospatuko den Intsumiso Eguna joateko autobusa jartzekotan da Antzuolako Intsumiso Taldekoa. Irteera Gaztetxean izango da, domekan, goizeko 10etan.

Marrakzi eta margo ikastaroa

Haur eta helduentzako izango da urritik ekainerarte. Izen emateko eskolan eta udaletxean urriaren 7a baino lehen. Klaseak arratsaldez eta hilean behin.

Irailak 27**Tortila lehiaketa**

Arzak, Argiñano... Egoitz, Irati, Oihana... zein da ezberdintasuna? Patata tortila bat gertatzeko ez dago profesionala izan beharrik, eta hori erakusteko zapatuan umeek patatak zuri-tu, arraultzak irabiatu eta zartagia sutan jarriko dute tortilak gertatzeko. 5. eta 6. mailako haurrek hartuko dute parte A taldean eta DBHko 1. eta 2. mailakoek B taldean. Arratsaldeko



A zelako tortilla goxua probatu zuten Polle-riak, Mikel-xok eta Aldamarrek 1995eko lehiaketan.

4:30etan hasiko dira elizpean sukaldaritza lanetan eta gutxienez 4 laguneko taldeak osatu beharko dituzte parte hartzeko. Osagaiak, taldekideen kontu.

Urriaren 20ra arte**Oporretako III. argazki lehiaketa**

Oporrak argazkiak ateratzeko aukera paregabea izaten da; hori dela eta Kultura eta Kirola batzordeak oporretako argazki lehiaketa antolatu du 3garren urtez. Lanak koloretan zein zuri-beltzean aurkeztu daitezke eta bi taldetan banatuko dira parte hartzaileak, 25 urte artekoak eta 25 urtetik gorakoak. Lau

sari banatuko dira irabazleen artean eta lanak udaletxean aurkezteko epea urriaren 20an amaituko da.

Azaroak 1**Umeentzako txotxongiloak**

Txotxongilo taldearen Errekamari antzezlanak ikusteko aukera izango dute 10-11 urte arteko haurrek azaroaren 1ean, zapatua.

Txotxongilokoak zinean arituko dira arratsaldeko 6etatik aurrera umeen gozamenerako.

GURE ARTIAN

Beñardo Kortabarria
Kazetaria

Periodikuetan ipintzen eztaba irakurri nahiko Bizixa izen bihar kotilla papera eta, gainera, gure historixia, kale jendiana errekuperatzeko izan, beste medixotatik nahi bada.

igor eta Txomin

Pintura orokorrean.

Paper, tela, binilo, kortxozko... estalduak.

Gotelesa, iztukuak eta bestelako imitazioak.

ANTZUOLA
☎ 76 60 39

BERGARA
☎ 76 19 98

**GOROSTI
Taberna**

☎ 76 62 96

Zurrategi Plaza ANTZUOLA

ANTZUOLA

Apainketak eta isolamenduak
Pladurezko dibisioak

Kalegoi, 21 ANTZUOLA
Tf. 72 30 05
Biltegia 78 70 40

Pilota txapelketa martxan

Hirugarren Mundurako dirulaguntzak

Urriari hasiko da 2. urtez frontoi berrituan jokatu den Antzuolako pilota txapelketa. 19-20 bikotek hartuko dute parte aurten. Txapelketa taldeka jokatu da; aurkeztutako pareja kopuruaren arabera egingo dira taldeak, eta liga antzeko bat izango da abendura arte, finala Gabonak aldera izango baita.

Jose M^a Galeano eta Juan Miguel Pagaldai, iazko irabazleak, bertan izango dira, nahiz eta Joxe Marik dioenez, "aurten ez najak forman". Orain dela bi urte arte Olaldekoek egiten zituzten bikoteak, baina Valentin Zabalok dioen moduan "hobe izeten da parejak eginda



Iaz finalista izan zirenak.

egotia, ze lagun artian egiten dittue eta jendiak gustorao jokatzen dau".

Txantxikutarren aurka

Asteburuan Errejonaleko lehen taldea Oñatira joango da Aloñamendi taldearen aurka jokatzeke. Bestalde, jubenilek etxean jokatuko dute Aretxabaletaren aurka.

Urriaren 15ean amaitzen da Hirugarren Mundurako lanean diharduten taldeek dirulaguntzak eskatzeko duten epea. Iaz herriko bi taldeek eskatu zituzten dirulaguntzak, Brasil eta Ruandarako hain zuzen ere. Aurten ere, udalak bere aurrekontuetan onartuta dauzkan dirulaguntza horien %30a jasotzeko aukera izango dute herriko taldeek, beste %70a Gobernu Kanpoko Erakundeentzako (GKE) aurreikusitako baitzen. Hauetarako GKE batek amaitua dauka dirulaguntzarekin egin nahi zuen proiektua Salbadorreko herri batean.

Langabetuen zerrenda berriak egingo ditu gizarte laguntzaileak

Gizarte laguntzaileak lanik gabe daudenen datuak jasoko ditu datorren astetik aurrera. Orain darabilen zerrenda zaharrikua gelditu da eta herriko buzoietan banatu diren paperak bete beharko dituzte langabezia dauden antzuolarrak. Momentuan, INEMen datuen arabera, 60 langabetu daude herrian; hala ere Karmele Korta, gizarte laguntzaileak, 43 izen baino ez ditu bere zerrendan, hauetatik 32 emakume eta 11 gizonezko.

Kontuolaren aurkezpena datorren zapatuan

Idolaz euskara elkarrekin, Kontuolaren aurkezpena egingo du urriaren 4an udaletxean goizeko 11:30etan. Asmoen berri ematea eta taldeen eta herritarren aportazioak jasotzea da euskara elkarrekin nahia.

Gaztetxokorako begiralea

Astebukaeretan lan egingo lukeen begirale bat behar da. Interesatuok deitu 76 62 46ra (Jone) edota 76 36 61era (Nekane), urriaren 3a baino lehen.

Nirakurri nahi zenuke Kontuolan?



Diana Mujika Dendaria

Herrixan egondako hazkenengo albistiak eta astian pasauko diran gauzak leitzia gustuko jaten. Lehengo istorixa zaharrak leitzia be gustauko jaten, ezta kizu zelako gauzak kontatzen dosten dendara etortzen dien zaharrek eta berbetan hasten dienian.



Montse Hernando Tabernaria

Antzuola hobeto Azagutzeko Kontuola beharrezkoa ikusten nuen eta horretan asmakizunak edo jokoak baliogarrak izan daitezke, jakina. Argazki zaharrak ere politak dira honelako aldizkari batean agertzeko.

Heapaindegia

Aureli Cot Velasco

Post

Edertze aretoa

Errekalde, 2
ANTZUOLA
Tf. 78 71 37



TXOMIN garajea

Mekanika orokorra

Lizarragako hiribidea, 8 ANTZUOLA
Tf. 78 70 77

KALEGOI, 19 ☎ 76 64 07

Tomas Gezalaga

ANTZUOLA BERGARA

- Apainketarako eta industriarako pinturak
- Paper margotuak
- Moketak eta tapizatuak

Rafael Eizagirre

Batzuk joan eta beste batzuk etorri

Rafael Eizagirre du izena. 25 urte daromatza elizarendako lanean. Jende askorik ez duela ezagutzen esaten duen arren, berarengana joan garenean, kontu kontari ari zen andra-gizon kuadrila batekin. Bergarako San Pedro eliza erretore, Ordizian koadjutore eta Arama eta Altagakako parrokiako administrari izan da eta ikasketak Alemanian egin zituen.



Nolatan horrenbeste aldaketa?

Aldaketa ez dugu guk aukeratzen; goitik beharren balorazioa egiten dute eta gero eskaini egiten digute. Daniel Legorretara joan dela ikusiz eta Xabier Santa Marinatik Eibarrera eraman dutenez, bailaran bi apaiz gutxiagorekin gelditu gara eta berria bat bakarria ekarri dute; horrek beste banaketa bat egitea eskatzen du.

Ezberdintasunik somatu duzu hemen edo Bergaran egon?

Bai, noski; Bergaran apaiz laguntzailea naiz, eta ez daukat parrokiaren ardura nagusia. Hemen, erretore izendatu naute eta ardura nire esku gelditu da; han laguntzaileak gaizki egiten duena erretoreak konpon dezake; hemen, berriz, erretoreak gaizki egiten duena ba... horrela geldituko da, ez? Gainera, ni Bergaran ez naiz eliza nagusian ibili; domeketan joaten nintzen bai Labegaraierara, bai San Antoniora, eta ezberdina da meza nagusia eman edo ermita txiki batean eman.

Zer pentsatuko zenuke domekan eliza jendez gainezka aurkituz gero?

Lehenagoan Danielekin izan nintzen jende asko zegoela iruditu zitzaidan; gero esan zidaten normalean ez dela horrenbeste jende ikusten, baina

kasu horretan pentsatuko nuke -ez dakit oker edo zuzen- Antzuolan sinismenak sustrai handiak dituela, nahiz eta jakin gaurko mundua sinismenetik pixkat urrin dabilela.

Gazteei buruz ari al zara?

Gazteak, orokorrean, elizatik urrin xamar ikusten ditut azken urteotan; badirudi ulertu ezin bat badagoela. Gainera, belaunaldien arazoa ere badaukagu; aspaldi utzi genion gazte izateari eta gure jarrerak ez datoz bat gazteekin. Dena dela, horrek ez du esan nahi gaz-

■ ■ ■
**Aspaldi utzi genion
 gazte izateari eta
 gure jarrerak ez
 datoz bat gazteekin**
 ■ ■ ■



Rafael Eizagirre, Antzuolako abadea.

teenganako itxaropena galdu dugunik, gazteek zerbaitek merezi duela ikuste dutenean egiten dute. Gazteekin esparru amankomun bat topatzea litzateke nire bizitzan gauzarik pozgarrienetakoa, baina zaila dela uste dut.

Hala ere, monagiloak gazteak izaten dira; badakizu zenbat monagiloren laguntza izango duzun?

Momentuz ez, zeren horiek ere haundi egiten dira eta beste dei bat egingo dugu 4. mailakoen artean.

Danielek joan aurretik eman al zuzun inolako aholkurik?

Aholkuak baino gehiago, bere esperientziatik nire galderei erantzuteko prest egon da. Baina aspektu praktikoei buruz ari gara gehien bat, bestela ere nahiko galduta ibiltzen gara hasieran. Bakoitzak bere esperientziak barruan gordetzen ditu eta berak, despedidan esan zuenez, Antzuolak pozik bizitzeko aukera eman dio, eta ez dut uste guburuen denik.

Hobbyrik badaukazu?

Irakurtzea asko gustatzen zait, eta pilotan jokatzera ere bai, baina zaharitzen ari gara eta ez da lehengo moduan.

Eta, maniarik ba al duzu?

Beno, maniarik gabeko gizonik ba al dago? □

KALEGOI, 19 ☎ 76 64 07

Tomas Gezalaga

ANTZUOLA BERGARA

• Zoruen kutxilatu eta barnizaketa •

LARREA

TABERNA

Kale Barren, 17
ANTZUOLA

JAIONE

ARRAINDEGIA



Elizkale, 1 behea
Tf. 72 32 56
Zumarraga

Kalebarren, 10
Antzuola
Tf. 76 64 09